

The WIPO Intergovernmental Committee on Intellectual Property and Genetic Resources, Traditional Knowledge and Folklore



WIPO

Nō te 2000 whakatūria ai te *WIPO Intergovernmental Committee on Intellectual Property and Genetic Resources, Traditional Knowledge and Folklore (te IGC)*, e wātea ai ngā Whenua Mema o WIPO me ngā kaimātaki ki te wānanga me te whakatau i ngā take rawa whakairo hinengaro ka ahu mai i ngā horopaki o te āheinga, me te tuaritanga whaihua o ngā rauemi iranga, me te tautiakitanga o te mātauranga taketake me ngā whakaputanga taketake ā-ahurea. Nō te 2009, kua āta whakaritea e ngā Mema Whenua o WIPO ngā rautaki ture ā-ao e whakatūturu ai ngā tautiakitanga e taurite nei, e tika ana hoki ngā rauemi iranga, te mātauranga taketake, me ngā whakaputanga taketake ā-ahurea.



Te whai wāhi ki te IGC

E tuwhera ana te whai wāhitanga ki te IGC ki ngā mema whenua o WIPO, ngā umanga ā-kāwanatanga, ā-marea hoki e noho ana hei kaimātaki pūmau ki WIPO, kua whai mana rānei ki te IGC. Mā ngā mema whenua o WIPO ngā tono whakamanatanga e whakatau hei te tīmatanga o ia huihuinga IGC.

Me whakaoti e ngā umanga e hiahia ana ki te whai wāhi atu ki te IGC hei kaimātaki pūmau i tētahi tono whakamana e wātea ana ki te paetukutuku o WIPO, ā, me tuku ki WIPO kia 60 ngā rā i mua i te huihuinga o te IGC.

Ka taea e ngā kaimātaki whai mana te toro atu ki ngā huihuinga IGC, te noho tahi ki ngā mahinga a te IGC, me te whakapuaki whakaaro hoki e ai ki ngā Ture Whakahaerenga Whānui a WIPO.

He nui rawa ngā kanohi iwi taketake me ngā hapori paetata kua whai wāhi atu hei kaimātaki whai mana ki te IGC. Me whai wāhi rawa e ngā iwi, e ngā hapori paetata hoki ki te noho mai, ki te whakapuaki whakaaro, e rangona ai hoki ō rātou reo ki ngā whakataunga a te IGC, e ai ki te United Nations Declaration on the Rights of Indigenous Peoples 2007, he whai pānga nō ngā whakaritenga a te IGC ki ō rātou motika.

Te Puna Tūao a WIPO (The WIPO Voluntary Fund)

E whakawhanake ai, e tautoko ai hoki te whai wāhi mai a ngā iwi taketake me ngā hapori paetata ki ngā mahi a te IGC, i whakatūria tētahi puna tūao takoha i te tau 2005, mā ngā kaimātaki whai mana e whakakanohi nei i ō rātou iwi taketake, i ngā hapori paetata rānei. Ka taea noa ihotia ērā e whakakanohi nei i ngā iwi taketake, i ngā hapori paetata rānei, kua whai mana NGO kē hoki, te tautapa i te hunga ka whai putea i te Puna Tūao a WIPO (WIPO Voluntary Fund).

He kōrero anō

Mō te roanga ake o ngā kōrero mō te IGC o WIPO, tirohia:
<https://www.wipo.int/tk/en/igc/>.

Mō te roanga ake o ngā kōrero mō te nōhanga mai a ngā iwi taketake ki ngā whakataunga IGC a WIPO, tirohia:
<https://www.wipo.int/tk/en/engagement.html>.

Ki te rongō i ngā pānui me ngā rauemi mō te rawa whakairo hinengaro me te mātauranga taketake, ngā whakaputanga taketake ā-ahurea, ngā rauemi iranga, me ngā whakahōunga IGC, ohaurungia tā mātou pānui: https://www3.wipo.int/newsletters/en/#tk_updates



World Intellectual Property Organization
34, chemin des Colombettes
P.O. Box 18
CH-1211 Geneva 20
Switzerland

Tel: +41 22 338 91 11
Fax: +41 22 733 54 28

To contact WIPO's External Offices
visit www.wipo.int/about-wipo/en/offices

© WIPO, 2022



Attribution 4.0 International (CC BY 4.0)

The CC license does not apply to non-
WIPO content in this publication.

Cover: unsplash.com / © Sergio Gonzalez,
© Katrin Hauf, © Gabriel Jimenez;
Getty Images / © Frans Lemmens

DOI: 10.34667/tind.46526